

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY

**IZVJEŠTAJ O UTROŠKU SREDSTAVA I REALIZACIJI PROGRAMA
ODRŽAVANJA JAVNE HIGIJENE I ZIMSKOG ODRŽAVANJA ULICA
I JAVNIH POVRŠINA U GRADU MAGLAJU I U NOVOM ŠEHERU
ZA 2018. GODINU**

Maglaj, juni, 2019. godine

I Uvod

U skladu sa članom 3. Zakona o komunalnim djelatnostima („Sl.novine Ze-do kantona“ broj:17/08) i Odlukom o komunalnom redu i sanitarno-higijenskim mjerama („Sl. novine Općine Maglaj“, vanredno izdanje od 15.03.2012.godine) u Budžetu/Proračunu Općine Maglaj za 2018. godinu na poziciji 613 324 planirana su sredstva u iznosu od 120.000,00 KM sa PDV za realizaciju Programa održavanja javne higijene i zimskog održavanja ulica i javnih površina u gradu Maglaju i u Novom Šeheru i to:

- za održavanje javne higijene 90.000,00 KM,
- za zimsko održavanje gradskih javnih površina 30.000,00 KM.

Zakonom o komunalnim djelatnostima („Sl.novine Ze-do kantona“ broj:17/08) u članu 3. „Komunalne djelatnosti zajedničke komunalne potrošnje“ u smislu ovog zakona obuhvaćene su sljedeće aktivnosti:

- tačka b) održavanje čistoće na javnim površinama i gradskim ulicama,
- tačka c) održavanje javnih površina.

Pod održavanjem čistoće na javnim površinama i gradskim ulicama, u skladu sa Zakonom o komunalnim djelatnostima, podrazumijevaju se poslovi čišćenja i pranja asfaltiranih, betonskih, popločanih i zelenih javnih površina, prikupljanje i odvoz komunalnih otpadaka sa tih površina te uklanjanje snijega i leda.

Pod održavanjem javnih površina, u skladu sa Zakonom o komunalnim djelatnostima, podrazumijevaju se poslovi uređivanja i redovnog održavanja zelenih i rekreativnih površina (javne zelene površine, zelene površine stambenih, odnosno urbanih gradskih cjelina, pješačke staze, zelene površine posebne namjene, površine za rekreaciju i fizičku kulturu na otvorenom prostoru, zaštitna područja i zaštitni zeleni pojasevi infrastrukturnih sistema, površine uz uređenu i neuređenu obalu rijeka, javnih saobraćajnih površina (ulice, kolovozi, pločnici i rigoli, putevi, prilazi, prolazi, trgovi, podvožnjaci i nadvožnjaci, mostovi i stepeništa van zgrade) i drugih površina koje posebnim propisom budu utvrđene kao javne površine.

Na osnovu člana 9. istog zakona, Općina obavljanje pojedinih komunalnih djelatnosti koje se finansiraju iz njenog Budžeta/Proračuna obavezno povjerava javnim preduzećima komunalnih djelatnosti, koje je odlukama Općinskog vijeća formirala za obavljanje tih komunalnih djelatnosti.

II Realizacija projekta

Redovno održavanje javne higijene obavlja se u periodu od 15.03. do 15.11. tekuće godine a zimsko održavanje gradskih javnih površina u periodu od 15.11. tekuće godine do 15.03. naredne godine.

U Budžetu/Proračunu Općine Maglaj za 2018. godinu na poziciji 613 324 planirana su sredstva u iznosu od 120.000,00 KM sa PDV za realizaciju Programa održavanja javne higijene i zimskog održavanja ulica i javnih površina u gradu Maglaju i u Novom Šeheru.

Dana, 05.02.2018.godine Općina Maglaj je sa “KJD” d.o.o. Maglaj potpisala Ugovor o redovnom održavanju javne higijene i zimskom održavanju ulica i javnih površina u gradu Maglaju i u Novom Šeheru za 2018.godinu broj 01-49-352/18.

Prema Programu, održavanje javne higijene i odvoz otpada u gradu vršeno je svakim radnim danom po rasporedu navedenom u Programu javne higijene, u ukupnom trajanju 41 sedmica a u užem jezgru čaršije u Novom Šeheru 2x sedmično, u ukupnom trajanju 31 sedmica.

Zimsko održavanje ulica i javnih površina u gradu vršeno je prema prioritetima kako je navedeno u Planu za zimsko održavanje prioritetnih ulica i javnih površina u gradu i to u periodu kada su bile snježne padavine i temperature u minusu, kao i u drugim slučajevima kada je to bilo neophodno.

U protekloj godini radovi su vršeni stručno i kvalitetno i u predviđenom obimu kako je planirano Programom.

Svi radovi su evidentirani u građevinske dnevnik, na osnovu kojih su za izvršene radove na osnovu Ugovora ispostavljane mjesečne situacije i fakture i plaćano je kako slijedi:

- za mjesec januar,2018.godine	10.000,00 KM,
- za mjesec februar,2018.godine	10.000,00 KM,
- za mjesec mart,2018.godine	10.557,47 KM,
- za mjesec april,2018.godine	8.301,11 KM,
- za mjesec maj,2018.godine	9.311,39 KM,
- za mjesec juni,2018.godine	9.094,15 KM,
- za mjesec juli,2018.godine	9.965,07 KM,
- za mjesec august,2018.godine	9.609,99 KM,
- za mjesec septembar,2018.godine	9.094,15 KM,
- za mjesec oktobar,2018.godine	10.583,45 KM,
- za mjesec novembar,2018.godine	11.506,18 KM,
- za mjesec decembar,2018.godine	<u>11.973,67 KM</u>

i ukupno je "KJD" d.o.o. Maglaj uplaćen iznos sa PDV: 119.996,63 KM.

Obradivač:
Jasmina Alić, ing.grad.

Kontrolor:
Fuad Hajrulahović, dipl.arh.



NAČELNIK OPĆINE

Mirsad Mahmutagić